

## Op ut Capri odder ut Neesch

### E Mönke voll Platt

von Johannes Toups

Lintermanns Trina woer möt üre Kejel Club vör en Wääk noer Mallorca jeflore. Üre Pitter hat se allejn te Huus jeloute. Hä mossde dr Huusmann speele, on dat woer jarnix vör de ärme Kää. Jede Daach hat hä Kohldamp bes onger de Ärme.

Jrad hatte bej „Radi Avanti“, dat es e Pizza Taxi en Strömp, ahnjroupe, öm vör sech wat Leckeres te bestelle. En Pizza Jrande möt Schenk, Pepperoni on Eier. Ävver noh wolde de Radi et janz genau weete: „Wat vön Schenk soll et dann sin? Nußschenk ut Parma odder Napoli? Schenk en alde Jrappa enjehleht, odder Schenk ut de Lombardei, övver Pinijeholt jeröckt“.

De ärme Pitter, de normal blos die defftije Huusmannskost von Trina jewend ess, wossde net wat te däm Radi saare sollde. Noh jeng et och noch loss möt die Pepperonis: „Sollen et die Pepos ut de Abruzze sin, die so schärf sind, blos vom ahnkieke häste dann all de Tröön en de Uhre ston, odder die lejte Mini-Zwerschpepperonis ut de Toscana?“ „Ech weet et net,“ woer de ärme Pitter am stottere: „Don mech mar watte mens, watt lecker, on watt jout es, ech han Hunger!“

Ävver noh mossde Pitter sech och noch die Eier utsöke. „Sollen se en witte odder en brune Schal han? Sollen et Eier von Mafia-Hönner, die en Käfije lääve, sin odder Eier ut Umbrije, woh die Hönner dr janze Daar frej e-röm loupe.“

Noh koss et Pitter net mi-er uthalde. „Esch jonn jetz och loupe!“ bölgde hä en dat Telefon, „steek dech din driet Pizza onger dr Hout, ejal op dinne Hout ut Capri odder ut Tirol es!“ - Dä! Dann hät hä dr Hörer dohin jeknallt, es ut et Huus jeloupe on nix wie en sin Stammkneipe, op de Eck bem Schmittmanns Tünn, e-ren! Doh hät hä sech dann en dubbele Porzion Riefkook bestellt.

Utjehöngert keek hä de Tünn ahn on seiht: „Ävver die Ääpel vörr de Riefkook te maake modden ut Neesch sin“. Bevörr de Tünn dann en de Köök woer, rejpe de Pitter däm och noch noer: „On dann hei ech och noch jä-er, dat dat Appelkompott ut Lotemer Ääpel jemäckt wode ess“.

On wie Pitter dann och noch genau weete wollde, op dat Altbier ut e dusse-lisch Alutönneke, odder ut e alt Holtfättsche köm, hät de Tünn övverleiht, op hä net die Trina op Mallorca ahnrroupe sollde, öm ühr te saare, dat sinne Pitter jrad am Överschnappe wüer!

Onger oss jeseiht: „Bej mech te Huus wü-er dat Ääte vürjekockt woode. On net blos dat, ech hei mech och noch vörr alle Daar jät Joues utsöke könne“. So janz näävebej bemärkt: „Mi Vräuke hei et so wie so ken Wääk ohne mech op Mallorca utjehalde“.